

dem Rechten für vns vnd all vnsere erben wol kreffteklich getun mochtent Sunderlich mit des frommen^f wolbeschaiden mans Hainrich Bächlins³ / des Stattammans Hand ze veltkilch. Recht vnd Redlich verköfft vnd ze köffent geben habint ains^g bestäten vngevärlichen ewigen koffs. den erberen lüten Hansen / Süter von Wesen⁴ Burger ze veltkilch. Margarethen Schnellerinen⁵ siner elicher^h wirtinn.^c vnd jro baidere erben vnd nächkomenn.ⁱ vnsere aigen hus hofstatt kellr^k vnd kemnaten / mitenander von vornen der sträss vntz ze End hin hinder an den Bach. gelegen ze veltkilch in der Nüwenstatt⁶ zwüschent Tomans Schaygenbüchs. vnd Hansen ýselis húsern / vnd hofstetten. für gantzlich ledig lös vnd vnuerkúmbert won^l das der herrschafft Järklichs ain halb fúder mists darab gät vnd gän sol. Also vnd mit den rechten / händ wir jnen vnd allen jren erben vnd nächkomenn. das selb vnsere hus. die hofstatt den kellr.^k vnd die kemnäten. mit grund mit grät mit stegen mit wegen / mit gezimber mit gemúr. mit nagel mit nüten. vnd schlechteklich mit allen rechten. nützzen. gúten gewonhaiten ehafftinen vnd zúgehörden benempton vnd / vnbenempton vnder erd vnd ob erd. für vns vnd all vnsere erben. recht vnd redlich ze köffent geben. ains bestäten vngevärlichen ewigen köffes als och vorge- / schriben stät. Vmb Nüntzig Phund alles gúter genámer pfenning Costentzer múnss.^m Dero wir allersament nutzzlich vnd ôch gar vnd gantzlich näch vnsere / willen an Baren gelt von jnen gewert vnd bezalt sýgint.ⁿ Mit dem geding dz wir vnd all vnsere erben des ewigen redlichen köffs vnd namlich aller hievor / geschribener ding vmb das vorgedächt vnsere aigen hus hofstatt kellr^k vnd kemnäten mit aller zúgehörung vnd rechtung als vor ist beschaiden. jro baidere vnd jro / erben gút vnd getrúw wern sin sóllint näch recht wa vnd gegen wem sú des^o an gaistlichem vnd an weltlichem gericht iemer bedurffent ald notdurfftig^p werdent / mit gúten trúwen án all widerred vnd gevárd. Vnd des alles ze wárem offem vrkúnd. vnd státer fester sicherhait nv vnd hienách. So händ wir dem obgenanten Hansen / Süter⁴. Margarethen⁵ siner elicher^h wirtinn.^c vnd allen jren erben vnd nächkomenn.ⁱ disen brief hierúber ernstlich gebetten Besigeln mit der Statt jnsigel ze veltkirch. Darvnder / wir vns vnd all vnsere erben willeklich vnd festeklich^s verbunden habint vnd bindent aller hievorgescribener ding mit diesem brief. Das selb der Statt Jnsigel ich / vorgeanter Stattamman Hainrich Bächli³. Durch des